



Provstudvalgip atorunnaarsinneqarsimanerata nalilersueqqittoqarnissaanik UKA2019-imut piumasagaat. Nalilersuinerup imarissavaa provstudvalgip atorunnaarsinneqarnerani sunniutit suut uuttuuttigineqarsimanersut neriutillu suut eqquussimannginnersut. Nalilersuinerup naggataarutaasumik imarissavaa provstudvalgip atulerseqqinneqarnissaanut suut innersuussutaassanersut Naalakkersuisut peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Jens Napātôk', Partii Naleraq)
(Siullermeerneqarnera)

Ilagiit naalagaaffiup tapersersugaasa avataatigut upperisaqaqatigiit allat pillugit inatsisissaq pillugu danskit Naalagaaffiup oqartussaataannut Naalakkersuisut saaffigineqqullugit peqquneqarnissaat siunertaralugu Inatsisartut aalajangiiffigisassaattut siunnersuut.

(Inatsisartunut ilaasortaq Mimi Karlsen, Inuit Ataqatigiit)
(Siullermeerneqarnera)

Qujanaq siunnersuutininut ataatsimut sammeneqartussani.

Siunnersuutit marluullutik upperisaqarnermut tunngassuteqarput. demokraatiniik ataqquilluinnarparput inuiaqatingiinni assingiingitsuunerput, inuit akornanni assingiingissutit nakooqutitut isingingatsigu.

Taamaalluinnaaqqissaarpoq aamma isinginninnerput upperisaqarnerup tungaatigut. Kissaatinginaqaaq nunatsinni inuit "karsinut" immikkoortiterneqannginnissaat.

Upperisat isumaa, atorneqarneralu isumaqarpugut inuiaqatingiinni ineriartortuni aamma ineriartortuassasoq. Soorlu naalakkersuisut aamma akissuteqaatiminni oqartut inatsisinik allannguinerit piffissalernerneqarnerulaaqqullugit, taamaammat ilaatigut uku siunnersuutit itingartitsissutingineqarnissaat innersuunneqarpoq.

Demokraatiniik isumaqarpugut uku siunnersuutit marluk ingerlateqqinnissaa itingartitsissutingissallugu. Uperisaqarnerup silarsuaani nutarterinerit ataatsimut sukumiisumillu eqqartorusunneruarpud. Ineriartorneq, meeqqatsinnut upperisamik atuutsitsineq, upperisallu allat atuunnerat nunatsinni annerusumik eqqartorneqarnissaa soqutingaarput, imatulli isikkulimmik, qanoq inuiaqatingiinni muteerniusuni upperisaq peqqissaartumik ineriartortissinnaavarput?

Taamatut oqaaseqarluta siunnersuutit uku marluk itingartissutingineqarnissaat innersuussutingaarput.